

聖朝新政要略

聖朝新政要略卷五

崇禎元年正月初四日

○直隸巡按宋禎漢一本伏覲 仁綸事 奉

逆案宗禎漢福  
建甯西人兩科  
御史

聖旨逆璫罪樞朋比擅政被害諸臣朕所矜憫李思誠典禮清慎并吳牲誥勅着就便給還奏內薦舉各官着該部勘酌用以後應復官者都照例還與詰勅以昭朝廷孝治天下之典

○戶科楊文岳一本內憂已靖事 奉

聖旨覽奏我內防外方今並急儲邊才留心甄別裕

軍需亟資糧糗具與恤民課職在終實事酌行清  
汰循資序升皆屬有當之言至清章奏無使亂獎  
勤召對以防壅蔽猶於朕躬新政為有裨益朕將  
申飭力行之

○兵科李魯生為

聖主以天知人以人立政事

聖旨朕勵精圖治奉天無私大小臣工亦宜靖共爾  
位共襄泰運說得是被初諸臣務酌核本末以定  
用舍追贓之事拖累堪憐這熊廷弼妻楊漣母都

着寬什贍銀免追其梅之煥程註贍銀該撫按官  
即與查豁具奏

正月初六日

○南浙江道李時馨一本為

逆案等時發覺決  
而徐德人已科得  
南道御史

聖治日新權邪漸除敬陳要務仰乞

聖明洞鑒事 一曰內正君心 二曰仰体天意

三日首重論道 四曰錄用忠直台諫 奉

聖旨這條陳四款於時政有裨餘俱有旨了

○太僕少卿仍當巡按直隸御史汪裕為

新政紀畧

卷五

二

美集汪裕河南南  
陽人科御史加  
少卿

聖治已臻蕩平臣工惟同熙亮以息橫議以臻實功  
事有逆瑞擅權結其驩心者不過五虎五彪十孩  
兒如告訐如羅織如請封公封侯封伯如投意糾  
叅此其大者夫害當求其去罪當誅其大其無甚  
關理亂之類亦可無事吹求也然猶有說焉其貪  
邪當舍者如舊輔顧秉謙貪鄙乃其生平也故魏  
忠賢呼為老竇竄入枚卜推官許其進鑽營乃其  
生平也故崔呈秀受賄關說吏部忠良之當用者  
大臣如王永光李長庚霍維華卿寺如白儲紹周

之綱梅之煥彭鯤化臺省之吳國華虞廷陸杜喬  
芳李恒茂玄默熊奮渭李茂芳練國事石三畏敢  
再申請以見秉彝之公再有司道周汝弼沈應時  
以按臣疏薦竟被削奪此從來未有之處法也

正月初七日

○刑科薛國觀為權奸伏辜黨羽當治謹疏摘以清  
政事內叅原任祥符知縣李寓用賄五千進崔呈  
秀營買南直司官原任揚州府推官許其進用賄  
三千選揚州美姬二人送崔呈秀買山東司官原

新政紀畧

卷五

三

任灤州知州劉繩祖盜灤州庫藏賄進崔呈秀賈  
陞刑部員外又如太僕卿梁夢環因魏忠賢欲謀  
逐張國紀以斷

先帝之耳目遂與劉志選共出死力叅逐以搖穢  
中宮今志選籍梁夢環猶然居位公論共為不平  
又叅舊冢宰王紹徽一味陰謀報復使人叅害無  
辜而使閒居少遲半月馮從吾亦作獄中鬼矣至  
用喬應甲從來未有都察院副都出而建牙開府  
者有之自紹徽之用應甲始在紹徽借之以紓仇

怨在應甲來之以充囊橐至喬應甲之貪縱穢狀到處同聲亘古罕有三秦傳為笑柄萬世留為罵名所勘定一萬五千贓銀尚不盡什之一二所宜一併豁處者也 奉

聖旨覽奏權亮柄事賄賂公行大淆清議深可痛恨季寯庸許其進劉繩祖俱著該部議處來說梁夢環着冠帶閑住喬應甲撫奏移跡多端再加勘議。吏部等衙門接出

聖諭朕聞除奸登朕後人主之大權苦心竭力人臣之

所文已累

卷五



大節故必藉勸懲以維法守戒履轍以勵新圖今  
為爾文武百官明詔之通者逆璫罪樞表裡為奸  
招搖羣狐盜竊國柄刑政多弊賞罰無章上累

先帝之明下歛萬民之怨此固爾諸臣所耳聞目見  
者也幸天厭巨奸早正國法垢孽盡沒內外廓清  
即爾諸臣才品各有短長立身各有本末殷鑒不  
遠其可忽諸自今為始務要洒濯肝肺各修職業  
提精明振作之念削悠忽誕謾之習勿得苟懷私  
圖致誤國是且勅委之奸權掣肘不得自行其志

今大奸既除職掌還之各司而猶不致忠竭節亦非所以事朕也內府各衙門積年獎賞尚未清耗着該部院自行簡舉陳奏痛加洗剔勿事虛文大要為國節財為民擇吏固圉者以封疆為重守土者以民因為本其有挾私壞公逞意熒聽不從圉家起念專以窺嫻妄營者朕決不輕貸一切奏議有關國計者俱遵我

祖宗舊章不得妄議紛更惟期大法小廉柔遠定通

以佐朕平明之治特諭

新政紀畧

卷五

天監錄

正月初八日

○原任兵部尚書霍維華為感荷 天恩莫能圖報  
謹効莠莠以佐 聖明新政事 一日勤聖學以  
親萬幾 聖明天縱乾綱獨攬然治亂得失之林  
非鑒往何以察來時陳經史披閱細繹不惟可以  
明浙治理並可以陶養身心 一日嚴宮闈以杜  
假竊向者權璫狎侍左右密布腹心故能一手障  
天口啣天憲至宮禁之內行其離間今者屏除近  
習穆清獨湛宮闈永肅 一日執中道以簡遺賢

蓋惟用人者有鑑空衡平之心而後為所用者無  
東西南北之恨據所知中立不倚清慎有執則有  
吳默薛三省唐世濟鄭以偉朱欽相曾楚卿李徵  
儀趙士諤于士廉徐楊先高弘圖余大成王伉當  
急還朝端以備股肱之寄者若以典試薦舉推陞  
題差及無端波及而處如董承業史弼張捷王心  
一李茂芳吳之仁李恒茂胡永順劉思誨等皆推  
瑞矯旨罷黜當先復原官陸續推補者如游鳳翔  
王洽翟鳳冲郝士膏李遇知吳銓張廷拱所當悉

與漸雪還其故物以破異同者古人罰不及嗣如  
程良箐方釋褐通籍何至罹于不叙用之條乎

一日殛黨惡以謝幽菟人臣莫難於就死國法莫  
難於擅殺劉鐸被刑最慘萬璟吳裕中立斃杖下  
楊連等十餘人之死不惟愛之者倍天日之慘即  
素不相友善者亦抱狐兔之悲數十人皆死於忠  
賢之手問誰公然發縱則李永禎其人也問誰暗  
地運籌則劉若愚其人也問誰潛通線索則許彝  
其人也忠賢已就天刑而數人可置不問乎一

曰釋累繫以平刑獄耿如杞已經起用方震孺惠  
世揚并宜赦宥惟王之孫孫慎行雖應赦之歸終  
難免其罪毛士龍畏死遠竄亦當赦免趙南星止  
應罷免亦宜謫歸至如王隆歸德以不及之官亦  
行追貶徐縉芳三赦之後不免一遣如胡加棟高出  
雖不係權璫所害本律亦不應死并宜伏審定奪  
者也

。錦衣衛指揮同知許夢麟直糾冒濫巨奸惡速籍  
沒并拿餘黨議清革殺以正國法事慨自魏崔表

裡為奸招權納賄匪獨士紳慘毒即細民無所措  
手足中外洶洶勢同鼎沸今忠賢呈秀籍沒矣田  
爾耕亦復籍沒矣人心大快猶有許顯純孫云鶴  
楊震王蒞民此四奸非逆璫之爪牙乎最可恨者  
許顯純之教朴緝紳皮開肉綻而日不一瞬假此  
詔獄之威勢所取何啻數十萬金至如孫云鶴楊  
震以緝訪事件為名招集嚇詐無中生有緝紳則  
曰門戶戚畹則曰犯禁或削奪或豆枷或斬絞如  
受家奴吳榮多金而即架訪樓斃吳養春父子于

杖下何其慘也更可駭者楊震何人也私家營造  
敢用大工木料而張凌雲日為之督工至王蒞民  
已經叅處之千戶賁緣差題所得吳養春賍私不  
啻數萬四奸者逞虎假之威恣狼貪之欲所當一  
併籍沒者臣以在衛之官言衛之奸不敢一毫踰  
越者也

逆案係保泰為

唐安人榮立科同  
任指赴新局以  
史

聖主御極政治方新謹憑愚悃仰祈

聖裁事蓋門戶之名從古未有振皆黨人創立名號



修怨者借此二字暗肆中傷如科臣中有朱欽相  
沈應時彭汝楠陳熙昌臺臣中有王業浩高弘圖  
周用賓劉其忠田唯加等孤忠不挽勁骨獨立先  
後皆以門戶削去一時注差推墜又有李茂芳陸  
世科姚應嘉張捷徐楊先相繼摧折有兄弟不為  
門戶者如吳玄之與吳亮是有同鄉不為門戶者  
如徐大化之與李三才胡應台之與楊漣是也有  
師生不為門戶者如舊輔方從哲無弒逆之事操  
戈反噬必欲殺之者周希全輩是也詞臣錢象

坤錢龍錫肖命官曾楚卿林鈺莊際昌等前後被  
處莫知其故至散館之楊汝成劉垂寶等亦無端  
波及之猶有進焉 戚臣張國紀開廢可原舊撫  
臣袁崇煥遠出師天下挫之

○吏科魏照乘河南道安伸枚卜之典既隆變理之  
道宜光董述新叅 簡用始末以勵在公之節以  
昭一時之盛事蓋聞夢卜求賢三代共侈為盛舉  
金甌卜相千古爭羨為美談孰敢有嚴承簡在之  
無心加之爰立之始事使明良作會日月為昭都

俞從容

君臣一体如今日者也職等言官也目擊其事可無一言紀盛以為新輔異日相業之助乎先是

皇上諭輔臣之請勅吏部會推閣員已于本月二十日疏名上請矣偶于二十三日職等辦事本衙門聞

皇上詔閣臣與吏科河南道職照乘仲隨三閣進至乾清宮見殿前設香案毡肅內臣引職等入殿叩頭禮畢

上語輔臣并職等云內閣公孤大臣倘得其人

社稷之福朕不敢自定欲求之天首輔施鳳來云海

內多事望

皇上多點幾員

上即命允云知道了職等即起趨出亭立于香案之

西下時

皇上親舉香行拜三叩頭禮內臣設小卓置筆硯于

香案之左前隨出紅紙十方每方各書一名逐一

新  
政  
記  
畧  
遍示各臣為闌入金甌內

卷五

十

上舉題粘之每粘一間必以示職等遍觀然後執筆  
點之隨伏再粘俱慎如前共點錢龍錫楊景辰來  
宗道李標周道登劉鴻訓等六員

上伏行一拜三叩頭禮畢

上還御座職等伏趨入叩頭稱謝是日

天顏溫藹和悅可掬職思

祖宗朝君臣相得為家人父子之相親即有權奸無  
能壅蔽

皇上今日舉事奉天道之至公協人情之至快蓋昔

召對之遺乎夫卜相之禮邈矣我

皇上為國求賢且不難法夢卜斷卜精意考慎宣猷

矧召對乃

先朝故事

皇上踵而行之真易易耳抑職等因是而不能不重

望于新輔

皇上鄭重此舉仰告

上天俯對百官以精簡之悅異日者六臣于用人行

正之間有一事不可以告

新政紀畧

卷五

皇上一念不可以語百官便不足以光特典而報知  
遇則矢公矢慎竭臣下馮翌孝德之贊啟心沃心  
濟

皇上受命弗祿之源知六臣必夙夜匪懈以勤一人  
矣職等願

皇上并伏乞對之家法而六臣大奮名節之相業仍  
乞勅俞詞臣編此為例增入會典永為遵守

正月初十日

○浙江道御史甘學潤為泰家已見圖治有要謹陳

五事乞賜採擇以光新紀事 一曰清化源 二

曰飭臣工 三曰固邦本 四曰酌澄汰 五曰

羅臬才 奉

聖旨覽奏清君心以端化甚于朕躬有裨諸臣各修  
職業無使越畔民共軫恤去其蠹害天下何憂不  
治酌清汰公考選已有旨了

上御文華殿講讀畢伏令輔臣施鳳來侍班于帷幄  
前召六部都察院堂上官至行禮畢

上傳諸臣曰前周月食已有勅諭着各衙門修省條

所改記事

卷五

十三



陳吏弊近見科道雖有章奏人各一說茫然不定  
部院大臣如何不見條議還着條陳所見以憑裁  
酌隨出手諭重加申誡諸臣叩頭伏班輔臣施鳳  
來等上言

皇上修明祖制行召對之典使部院諸臣各修職業  
是新政第一勝事天下何憂不治臣等不勝歡忭  
上曰諸臣各修職業以佐平康朕與卿等共之  
○御史梁炳一本

聖明圖治方殷事 奉

聖旨祖制為萬代政治法程以后內外諸司務要恪  
守舊章毋得仍前任意更改親載藉以鏡前代興  
亡之理實于化源有裨朕將力行之民俗奢侈上  
下無章至寬袍大袖及婦女濫用金冠袍帶乘輜  
成何体統即着五城御史刊刻榜文曉諭若不遵  
的便擒拿律治虜患方殷修牆猶亟這古地桃林  
一片石雖住時修葺以泥塗了事各邊督撫等官  
已後責令邊將領督鳩工務俾永固至懲貪酷以  
附民生慎採訪以簡邊材嚴申飭以正士風俱救

時確論着該部即與議覆

。戶部主事陳此心一本仰慶惟天事 奉

聖旨這所奏恤民數吏團練積儲屯田說亦有可採  
凡章奏事俱宜簡要不得擬拾冗長本內十字腹  
字數字俱着改正行

。司理監張邦紹一本房屋估價事 奉

聖旨這逆犯魏忠賢等庄房變價銀共四萬四千五  
十一兩五錢着解進內庫照數查收其肅寧府地  
不必估計着該城御史等官撥夫看守所有房租

遂日征取贖庫年終類進侍東西底定朕將留賜  
第以待功臣

○工部尚書薛鳳翔被劾回籍

○應天巡撫李侍問一本目擊黃山事 奉

聖旨據奏許志吉以蔡震穢吏投身奸逆籍沒追贓  
變價事魚肉鄉邑深可痛恨罷斥不足盡其辜着  
該撫按一并提問追贓正罪具奏

○薊遼總督張鳳翼一本危邊微報事 奏

聖旨覽奏奴虜交通探首擁衆內面所在戒嚴密鎮  
新政紀畧 卷五 十四

月餉欠缺該部仰屋無措着查田爾耕籍沒銀兩  
與餉司兌支抵補該鎮欠數其不足者陸續補發  
并將薊鎮已題未發銀兩作速那處以濟急需

正月十一日

○編修倪元潞謹 奏為世界已清而方隅未化邪  
忿已息而正氣未伸謹憑愚忱仰祈

聖鑒事 奉

聖旨朕屢旨起廢務求虛公酌量起用有何方隅未  
化正氣未伸這所奏不當各處書院不許倡言創

伏以滋紛擾王守履混亂朝議業經薄罰豈容薦  
舉市恩

。御史韓光先一本半載久欽事 奉

聖旨這奏有伴朕躬典學及政本邊防者朕當加意  
行至說合差宜伏裁俸宜寬着該部院即與議復  
大祀重典務期嚴肅以後有不恭的着叅處來說  
皇明二字倒寫着改正行

正月十二日

○上科給事中祖重燁為  
新政紀畧

卷五

十五

聖治日隆輿情大暢謹憑蕝莠之愚仰襄初元新政  
伏覩

皇上登極以來首鋤肘腋元兇次撤京邊逆黨鯨鯢  
就法彪虎清夷而又卜相金甌錄選丹壑卹忠魂  
於九地開錮黨于千秋舉數年之天下能言而不  
敢言者

皇上獨發睿斷次第舉行止漏網巨奸李永禎李若  
愚屢經叅劾必蒙

宸斷大臣心膂自當身任天下之重如處其位而不

履其事則伴食覆疎千古貽訛小臣為手足肢体  
亦宜守職奉公故議論宜清也門戶宜破也頻年  
玄黃相角平陂相尋至魏崔結黨借題害人以門  
戶為穿不論是非推而納之衣冠之禍極矣楊蓮  
等既罹兇鋒自應褒卹台臣周宗建祇因攻魏客  
卿恨最深嗾顛痴部臣曹欽臣及濟惡內臣李實  
叅之誣証擬罪寃死最慘至若黃山一案初則呂  
下問激變地方繼則許志吉流毒桑梓封疆之臣  
全係賞罰激勸袁崇煥有功于邊黔撫李標亦有



嬰城之勞王三善忠勇自矢匹馬解圍進搗巢穴  
全師被截膏血郊原亦當卹錄抑職于間臣顧東  
謙不能不追議焉逆璫在天啟元年未敢甚肆自  
東謙交結獻媚備諸醜態膝下呼兒廉恥盡喪若  
夫肅寧封伯則建迎恐後矣遼東鎮守則阿承作  
德四六天語則票擬駭聽矣忌同官則斥丁紹軾  
害鄉貳則逐李自春斥考官而顧錫疇丁乾學艾  
南英不免矣戕多命則楊漣等五日一比之

旨惟權黨所指矣三吳共唾萬口交譏切恐東謙雖

居林不宜仍竊鼎鉉名號以徼異日恩榮也 奉

聖旨台門大臣商確機務此

先朝任賢圖治之法知道了周宗建係邪黨慘死着  
與優恤李實織造錢糧該撫按徹底清查具奏其  
自建生祠一併拆毀變價助餉黃山一案俟撫按  
查明奏請定奪

。簡討項煜奏為

聖政千載一時愚臣千慮一得敬陳撥亂保治之策

以佐中興事臣聞千古來撥亂難而保治猶難撥

新政紀畧

卷五

十七

亂有方保治有道 一日去邪之當酌也渠魁脅  
從法有輕重宦官自大遂不軌魏忠賢而外則有  
罪盈惡積之李實可誅也實之塗炭江南慘毒難  
以言狀卽一疏而陷名流高攀龍輩五人斃之死  
罪羅鉗吉網不是過矣此忠賢之第一幫手急宜  
與忠賢並肆諸市朝以為宦官作惡者之戒而他  
若總督內鎮作福作威雖經撤回仍行竄跡可也  
奸黨自禽行獸心崔呈秀而外則有如鬼如蜮  
之倪文煥可誅也文煥之側身閹寺八拜呼爺以

笑破海內之口。晝日夜與呈秀合謀殺人。媚人茶  
毒。忠良數載倚勢。騙錢積至。贓私累萬者。呈秀之  
第一幫手。亟宜與呈秀並誅。市朝以為小人黨惡  
者之戒。而他若冢卿。樞式。欺天媚灶。重則流放。輕  
則削黜。可也。更有么麼小臣。大惡無道。如許志吉  
者。貪橫異常。禍端嚇民。贓私不下三十萬。一日  
起廢之。當酌也。小人道消。則君子道長。羣賢連茹  
此其時矣。但世間正不少。黎丘之鬼。而當事勿漫  
好葉公之龍。今海內多賢。而知之不真。未敢妄舉。

有同里開深相信之文震孟陳仁錫姚希孟王心  
一則又有八千里不識面之袁崇煥今仁錫已登  
啟事則三臣應各

賜環若益遠一守

宗社晏然誰之力乎食其功而棄其身何以勸邊臣  
也則崇煥當及令速用雷霆既肅雨露宜施則凡  
忤權璫而斃圉圉者貞魂可不優卹乎執戈戍邊  
者可不放歸乎清貧徹骨之周順昌追賸至今不  
休可不開釋乎德音一沛寒谷生春矣 奉

聖旨知道了李實業經處分文震孟等已着起用其  
未起用的并酌議具伏許志吉以勘黃山一案肆  
行貪橫吳于聘等殘虐地方即着該撫按提問這  
賍正罪

正月十三日

○南吏部主事涂紹燧為欣逢

聖明太平有象謹陳太平八要以備蕝蕝以光

聖治事伏覩

陛下登極幾何時弛張剛柔之間環海內外莫不欽

新政紀畧

卷五

九

大聖人舉動以為即堯舜復生莫能過焉惟是堯統  
統舜業業此段心法須臾不可忘經筵欲勤而後  
聰明日擴召對欲頻而後金匱無虞郊天禮廟  
時一舉行而後怨恫無歸大法小康審於忠防乾  
剛獨攬嘖笑欲嚴為一要

陛下知奴酋之逆我願行而數不利于國乎道路流  
言僉以為今夏奇捷莫非鹿馬之奸夫奴子方以  
大兵東渡擊朝鮮安得又有大兵蹂亂我中國乎  
此忠賢欲遐邊功以冒

上賞即袁崇煥不欲自以為功其意可知也今及時  
未雨綢繆以收成功于萬舉萬當為二要

陛下知民窮財盡至今日而極不堪頭會手戔當忠  
賢之世又加派又橫征又設措又搜括又追贓吸  
髓剥膚三空四盡竊以惟正不可不蠲也遼餉一  
事亦須從長酌議崇禎元年為

陛下改元之初請 准免天下遼餉所籍忠賢客氏

呈秀諸贓不知幾百千億萬亦可少抵至如生財

之要莫如錢莫如屯莫如鹽造錢有要頒錢有則



廣錢有本行錢有道屯有邊屯有腹屯衆可得而食也考於鹽之利鹽之害權可得而筦也急講生財之大道為三要也

陛下知文運國運相關乎哉今日經生家言偽辭偽理誰非厲氣且以命題為獻諂之計致諸生又以我夫子獻媚璫父可權啟聖射圃可占生祠病狂喪心至此極哉至吾鄉澹臺先生祠是東江以右之祖也致利其租并實其祠又有喪心買之者吾道無光今日已極尊吾道所以匡天地尊宗社為

四要也

陛下知忠賢罪惡滔天豈獨憑寵任之過哉外則崔  
呈秀為之招權納賄則李永貞自雄學海狐鼠輩  
亦奉為智囊宵小朋比實煩有徒雖不必苦株連  
傷元氣亦安得不問渠惡清亂源為五要也

陛下知魏廣微之與忠賢謬結同姓實為戎首乎哉  
今天奪其魄未受顯誅而不追奪于身後恐無以  
雪諸臣憤寃于地下至于李夔龍之穢迹多端儼  
然為群芳長豈不玷憲体羞羣吏乎用人不可不  
所先已

慎為六要也

陛下方以孝治天下奈何不弘錫類以沛孝思乎哉  
陛下初登寶位追崇

聖母人孰不有父母從前所追奉之誥命一應補給  
至于物色之起又在後也為七要也

陛下亦知忠言不可攸伏而多言亦易濫觴乎當忠  
賢竊柄箱結天下鬱鬱已極今言路弘開火燃泉  
達勢不可禁啟

陛下厭聽之端轉開堂簾睽隔之路職聞止戈為武

今且以言止言乞先賜罷職為多言戒其餘一切  
真實利病凡可以糾官邪正士習安民生足國用  
等項仍許諸人直言無隱應度授言之益為八要  
○工料願繼祖奏為

皇圖興歲序更新事 奉

聖旨覽奏奸璫煽虐擯逐數多諸臣酌議起用黃山  
一案屢旨從公伏勘這波累強派的還着該撫按  
確查具奏取稅承買另寬議行慎起廢禁吹求與  
冒濫應沐俱已有旨了餘可行的俱酌與議伏

正月十四日

○江西道御史林棟隆為

聖明求治甚殷臣于靖共宜切敬效萬莧末議以裨

新政事 一日重案擬 二日伸公論 三日惜

爵賞 四日嚴覈實 五日慎言路 六日審機

權奉

聖旨萬幾雖煩朕當思執要之法這所奏保躬知道了  
了案擬關係國事是關目實力擔當說得是至伸公  
論惜爵賞核功能審執權救時要論考選屆期作

何截俸吏部議定來說

。工部郎中吳炳奏為亂賊業已伏罪從前究柳宜  
伸謹據實直陳仰祈查核昭雪以廣 皇仁事伏  
覲

聖主當陽草木禽獸皆安仁育而被忠賢殺戮者拖  
累者禁錮者尚未查檢昭雪

皇上如天之仁必有聞言而憫惻者戮敢昧死陳之  
誰為忠賢殺戮之人則楊漣周順昌等數十人是  
也誰為忠賢拖累之人則追賍家屬是也誰為忠  
新設記事

卷五

賢禁錮之人則韓爌劉一燝等數百人是也

皇上試查天啟四年夏秋之交自閣臣以至大小九卿科道但叅論忠賢者無不斥去矣此人才費

祖宗數百年之培養不足供奸璫一日之削除吁可恨也此等諸臣各有生平本末應否查核酌用自有

聖裁非戕所敢議而已追之誥命似宜盡行補給以成錫類之孝思已奪之官階似宜先復冠帶以吐鬱結之士氣也抑戕又有說焉履土食毛同是朝

推升削奪的早與起用說得是優卑異廣制額着  
該部即議復

○兵部一本賢能司官事 奉

聖旨覽奏卿所舉職方司官皆清執忤權為時論所  
推不宜久滯林全余大成鹿善繼優以京堂王繼  
謨沈榮准補原官都與起用

○督師王之臣為申報安插降夷事 奉

聖旨祖宗朝原有招降夷人之制載在會典甚明但  
時平虜無大志是亦柔遠之法今諸臣愆于往事  
新政紀畧

卷五

二十四



鯢鯢邊慮覽奏東西降夷已經解發關內安插訖  
不絕其向化之路不墮其切發之謀具見方畧卿  
既相度機權抹勵以待應發糧餉着戶部速與轉  
輸還宜萬分戒備勿至疏虞餘并着部看議具  
復

正月十五日

徐憲卿入東林貼  
將錄進呈出洞  
然重成

南京光祿寺少卿徐憲卿為穢法之大慙已除清  
明之世界立見謹頌揚神武并猷翦莠以贊中興  
盛治事 其一謂起居宜慎也肘腋之蠹雖以拔

廷臣子方祈一心營職以媚

天子水火鹽梅亦可共濟而忠賢創為門戶臣不知  
門戶為何但見叅忠賢忤忠賢以致殺戮拖累禁  
錮者忠賢悉指為門戶為邪党然則跪拜忠賢尸  
祝忠賢周孔忠賢反為正党乎恭讀

明旨有曰分門別戶已非治徵至株連殊可痛恨大  
哉至言固已洞悉之伏乞立賜採行

。吏科劉漢儒為 聖政事新敬竭一得之愚以平  
人情事 一則為仕途之澄汰宜急也 一則為

議論之淆亂宜清也。一則為權門之羣小宜處也。內參潘汝忠劉志選不止削奪許其進李寓庸也營求吏部何宗聖久滋物議白太始張士昆奔競權門奉

聖旨王道平乎人情此是蕩平要論起用諸臣及見在加級加銜諸臣都細加分別務要確論嚴禁為紛屏逐羣小已有旨了畿民收買料豆最稱苦累着戶部并督餉御史區畫停當來說

。禮科問可陞為聖政更新事奉

聖旨這本說廢棄諸臣當先擇其力忝奸逆及題差

去然聞忠賢多蓄死党自衛其內操之軍士豈盡  
驅散典膳典衣典冠之內豎豈盡無彼私交此外  
廷不知而

皇上自知又

皇上之左右必知之宜再請更猶換一番所為去惡務  
盡此亦防閑所必周不可不早為計也 其一謂

任路宜清也記曰君子非其友不交曾未見置身  
權璫之門而尚望有光明俊偉之業者今任路邪  
類恐不止田吉吳淳夫諸人矣使奴顏婢膝借以

捷收其利今遂改頭換面而巧避其名無論難外  
睿鑑且不可以逃長安士大夫之口也若不嚴加  
澄汰薰蕕混淆而班行無色何以肅官箴為其  
一謂衆正宜登也自忠賢柄政舉三百年培養之  
人才磨耗無餘以門戶為推折之題目以削籍追  
奪為刻成之印板升轉者逐題差者逐典式而涉  
時事者逐有數省人才之數尤為抱蔓幾非任國  
毒流祖父慘暗天日莫有甚于此者

皇上既去邪勿疑自當任賢勿二如三案所削奪勅

部查復近日諸臣所薦人員速與分別起用 其  
一謂冤抑宜伸也天地以生物為生人主以好生  
為德年來廠衛捕風捉影盜賊滋多西市之鬼夜  
號園扉之魂不散怨氣所積致有王恭廠之變亘  
古希聞而今死者不可復生矣亦當昭雪以瞑其  
目而未死如耿如杞胡士容惠世揚方震孺等罪  
何致死情亦可原胡不盡為復用乎 其一為恩  
濫宜裁也煩縷敝袴自古惜之況名器之重延世  
之賞尤非可輕擲者忠賢一門三等羊百錦衣薄

金吾而垂涎符卿之弟侄而移廕外姓皆千古創  
見惟已濫而不得不濫人以自蓋于是殿工有叙  
宣錦有叙藩封有叙延鎮東江有叙叙一番則恩  
廕加級一番自內璫以及文紳武弁金吾之席幾  
無坐處矣若輩亦預知此廕後來不穩急急開名  
早襲如河工而叙及風馬牛不相及之薊撫世廕  
而貴一鍛鍊枉殺之田尔耕諸如此類  
皇上即一概塗抹勿令久玷冠裳為祖制少存萬  
一可也 其一謂勵政宜革也

天子藏富于民郡縣之充實閭閻之康阜上即其富  
未有掃天下之積聚之大內以為富者自呈秀輩  
導利以媚忠賢而忠賢借以自潤搜刮作俑有不  
應而數少者削戕于是患夫鄙夫驚之苦狂爭多  
以求勝人一官到任諸事未遑先檄所屬其有無  
碍錢糧者盡括之去而不顧其空其無碍銀兩者  
括及正額而貽害後人之補甚至官遣徙靡常為  
時無幾此甫括以進而後來復然所當速換新猷  
與天下更始者不然謀其人而猶襲其事無論而  
新政紀畧



賊臣切笑地下有何異而賊臣尚在耶 奉

聖旨這本說驅散惡党以慎起居朕自鑒志錄才申  
抑請裁冒濫俱有旨了藏資于民其論甚正以後  
有司官除搜括銀兩已經奏報者照舊解進餘不  
得借名措辦擾害百姓違者重處

。大理寺少卿蔣一驄為直揭逆瑞之惡事 奉

聖旨這本說逆瑞無將錢神為祟朕已次第廓清計  
典方行廢籍亦起尤宜獎廉抑貪以示風勵以後  
一切論荐必下部院查復說得是趙瑞梓着該部

重處來說

逆案潘士聞江西

○工料潘士聞為聖治日新事奉

官春人已未科工  
科給事福建

聖旨這本說辦忠佞公賞罰是計典嚴重苟能實舉

主試

廉卓吏治何由不肅至有借達朕自當持之所荐

諸臣該部議復

新政紀畧卷五終

聖朝新政要畧卷六

正月十六日

。兵科給事中彭祖壽一本

明旨和衷宜遵臣下藩籬宜破敬摠一得以請

聖裁以肅朝政事職一介書生欽蒙

聖恩拔置言路得竭悃誠一切違事角勝之見不惟

不敢萌諸心即今諸臣中誰為炎隆之非局誰為

摧折之東林亦尚茫無所知也祇今知人臣以身事

主全憑一念之公其心公則靜以養國家之氣何妨

新政紀畧

卷五

一

落落而寡援其心私則急以收四海之權必至營  
營而植党歷覽古今分毫不爽者也乃數年以來  
逆璫亂政借縉紳以陷縉紳朝士不以忠厚存心  
而以徂繪為態不以匡救建白為職守而以巧題  
轉噬密結懼心者為辣手之英雄不分流品以為  
招來而標榜以相擁戴于是行一事焉則必向裡  
邊說用一人焉必且問裡邊等飄風于名教盤津  
要為奧援以致工部為貪狼之窠舉朝列義子之  
席而吳楚秦晉遂夢斷長安釀成空國之憂倒援

宵人之柄此倡彼和蔓引株連有自來矣我

皇上神明天縱聖政維新而明旨更惓惓于門戶廢弛之談即金甌之下亦必焚香祝天尤

聖祖以來二百餘年未有之盛舉我

皇上儼然行之愈見蕩蕩無名之心直不世出之

主凡在廷諸臣幸際此大有為之運固人人當打破

病根亟挽狂瀾而台省之敷陳銓曹之啟事更為

屹紫普天之下莫非王土大家議論貴公毋惑溺

于黨同之說執持貴冷毋徒奔走于薰灼之門毋

新政紀畧

卷五

二

明知人才之可惜泥方隅而陰為禁錮之謀毋明  
知奸佞之當祛挾恩私而故為左袒之計至若吳  
楚秦晉何獨無君子諸臣若尤以私意介于其間  
不盡國家之人才驅而納諸罟獲陷阱之中不止  
矣職聞卽報見憲臣賈繼春之疏有曰途出于公  
則何局可造理歸于正則無業可翻坦蕩之大道  
非調停之酒術斯言真今日良劑諸臣幸際此堯  
舜之主遭逢真是不偶何可妄自菲薄不瞿然思  
猛然省乎至起廢一節惟江西與職鄉湖廣傾害

最慘職鄉與江西之四年來錮于楊漣萬縲無論  
外而節鉞之臣內而大小九卿即七品官員之台  
諫亦無有一人在我

皇上左右者惟職一二中行與寥寥部曹散秩為奸  
党所不屑擠者獨存耳今幸

明旨煌煌微臣似可無言但切見近日巨奸雖去而  
党羽未清以故江楚之恨尤熬甯不可破職若以  
進言之初且隱忍不以入告恐日遷月化將兩省  
鄉會之科可不必開版章之藉亦可不必列矣是

可不為寒心耶若恥趨惡焰投閑自甘者固自多  
然而亦有大奸大惡或抄揭遍于要津或尺牘滿  
于南北或幕中被逐而作可憐之色或草野占風  
而興伏雨之雲凡若此者皆不得借口處自魏崔  
者切忤權之令名巧通燃灰之線索者也如果誣  
陷有據人望咸歸即當暫復原官仍候實缺起補  
至若大工加級工部諸臣不必問其昏夜之行早  
已識其縉紳之路况都憲寺臣宜宜出入郎署之

門素



祖制而玷官裳莫此為甚職初入言路愧無所効其  
愚惟見諸臣富貴功名之腸太急廢棄門戶之旨  
未遵不敢不直陳于

君父之前至于江西興職鄉湖廣更望我

皇上天語申飭毋使

聖明之朝兩省獨遭党錮之禍奸邪敢挾背公之權

則國家幸甚 奉

聖旨這本說諸臣議論貴乎銓曹執持貴定甚得用

人要領江西湖廣摧折已多朕甚憫惜一應廢棄

有見此舉

未大

四

諸臣如果誣陷有據人望咸歸者即與復官遇缺  
實補其物議彰明者不得借題起用工曹加銜太  
濫吏部一并清汰具奏

○浙江道御史范良彥為

聖主求言不遺葑菲微臣効盡欲獻藹蕘敬摠一得  
之愚仰贊維新之治事 一曰慎察典邇來懸價  
鬻爵稱金買官仕路畧汚已甚今須考察以懲貪  
為第一義勿徒取一二鄉貢病老之人草草塞責  
也 二曰公會推吏部舊制會推凡部堂督撫有

缺必集九卿科道會推于東闕松林中比年祇成  
故事冢臣與司官商于密室註于手摺業一定不  
易止徇故事遍邀九卿科道多不至側廳一揖而  
事已畢矣今當秉公無我凡所推舉務求備時論  
之望 三曰清奸党魏崔逆謀誠罪之首凡稱功  
頌德創建生祠者亦當分別生祠見在地方諛詞  
俱在

御前但以創建之早晚稱頌之多寡為罪案之重輕  
彼亦何辭耶 四曰急錄卹逆瑞前後矯首連  
新政紀畧

捕士紳不下二十餘人如萬璟首犯克焰劉鐸之  
身肯異處蘇繼歐之自盡高扳龍之投水諸如累  
累冤魂應歷應卹宜速毋効薛貞熱審一以照舊  
二字抹殺忠良之氣節也 五日嚴升叙

世宗入承大統正劉瑾亂政之後詔令大臣自陳一  
時罷尚書等官數十人今殷功邊功河工藩封不  
啻滿朝皆太保一部兩尚書

皇上寬仁聽其自裁謂宜滿盤托出徹底澄清可也  
六日正士習甲子以典試處陳子壯周之綱等

今科主司命題舉擬稱頌士子巧合意旨場屋文  
體大壞謂一洗前弊可也 奉

聖旨大計重廉素著穢迹者必黜無赦會推公典務  
集衆思說得是清党卹錄有旨了向來升叙之濫  
欲行澄汰以後科道部屬俱着銓臣酌議辭銜一  
并具奏武臣并加清查正文體廣科額着該部議  
伏

○福建道李應期為 聖治益隆事 奉

聖旨遠奏下問以通事情朕自當舉行近來事例委  
新政紀畧

卷六

六

非良法還以汰冗禁侵為實着降夷議處已有旨  
了以後加納須有在見任官員生利須痛懲權闕  
須用廉慎科甲會試錄稍加潤色以程多士鄉式  
錄已經進呈不必另補

○刑科給事中曹師稷奏為景運方新堇陳安攘末  
議以襄上理事竊聞

天子有道守在四夷又曰民惟邦本本固邦寧故禦  
寇所以保民而攘外必先安內方今最可患者無  
如東事一壞于叛將再壞于降夷三壞于奸細袁

崇煥經理數年士氣稍振而逆璫攘為己功崇煥  
且見逐矣然每見奴酋之來多在春夏而不在寒  
冬今須一番策勵精神以必戰為主以固人心為  
本以得人為要又有不可知者插漢擁兵聲言并  
奮此即奴酋滅南關之故智萬一奴子假道入喜  
峯諸口作何倚禦手昔嘉靖時虜數入寇諸臣集  
議

肅皇帝加嘆曰得人一語尤探本之論豈非今日龜  
鑑哉更有最急者惟境內家給人足斯無他釁若  
新政紀畧

卷六

七

百姓愁苦民心愚亂則胡越起于輦轂而羌夷接踵豈可不寒心哉 奉

聖旨據外最急無如東奴厲戰氣固人心此策擔當誠能得人朕豈煩東顧至恤民尤屬本論江南災民議折與核兵餉去歲濫該部即與具復

○吏科左給事張惟一奏為 泰運弘開昌言不諱敬述見聞所得仰披忠告之忱事慨自權璫播惡阿附如流祝釐之祠無之非是廣陵姑蘇在在有之而雄據于杭之湖上者為盛殫煌瓊宮峻宇者



其祠也巍然聳峙于門左右者頌德碑文也作之者誰乃借輔臣之官銜以示重宜輔臣之不任受乎職方愧天啟之間無言路而欲輔臣不稍用委蛇以行其潛移默奪之術斯亦難矣而終不敢盡為然者年來削奪杖戍追贖詔獄之慘諸臣動輒懼之然則小臣真足以生死爭而輔臣惟是以去就爭耳性命難割功名難捨以故古來詔可焚牘可補弄臣之戲殿可召夷虜之逆謀可折回天補日之功得之宰執者十九若猶作生死恐怖之想

新

改已早

卷六

八

慮攫虎狼之怒將使權奸生心無復忌憚以攘成  
臣子不忍言之惡亦將曰不能與也不敢惜也天  
下事更且望之誰哉故此段說輔臣或以寫憂苦  
之衷而決非啟自寬之路也軍國平章天下已任  
所願乘新叅受事之初竭同心協贊之謨遇有大  
利大害廷臣所不敢言不能爭者務一力担当庶  
幾答四海仰望之心付九重停罷之重此有慨  
于中者一 夫閩之漳泉浙之溫台海濱錯壤也  
去春海寇披猖閩之焚劫最慘該撫業疏聞之出

沒無常隱憂叵測溫台實切震隣之恐聞海濱官軍  
無如彼何稍稍賂結以幸旦夕之安宜急為申飭元  
俾為遠左水西之續此有慨于中者二 大江南  
北人情洶洶無過黃山楊州兩案許志吉以猴冠  
張虎吻假附勢而射利阻壞兩淮鹽課非劉鈔關  
力勸之回楊州又亂場矣推官許其進言者第謂  
營鑽吏部不知八十萬庫銀一筆註之至到任三  
月之汪運使懸坐二十萬賍銀原籍拖累幾遍臨  
清追比之苦不啻敲骨吸髓愁怨之聲至于鬼哭

神號公然以數百家性命為一已博。美官此有慨  
于中者三。取道清河見守備周名世許弘功假  
造運船擾騷驛遞么麼武弁執扼要而播之虐豈  
非軍儲之巨蠹而驛路之重賊乎此有慨于中者  
四。輦輟之下銓衡之司有若居心不淨行檢有  
虧趨熱附炎實官崇爵如聶慎行者何可一日容  
于免舜之世哉 奉

聖旨這本說輔臣勉竭忠款力持國是海寇流突消  
彌宜急着閩浙兩撫嚴加申飭行周名世等兵部

查明具奏許志吉許其進速與罷斥肅慎行看議  
來說

十八日

。陝西道御史李炳為 聖主用人方殷諸臣會議  
未定敬陳愚見以備採擇事伏覲

皇上勤奸之後即頒 勅諭會議起用雖臣下亦有  
將順而 宸衷早已獨斷今未用而侍議者尚多  
也以常用者論某也觸權奸而被譴者某也以權

奸借端而被黜此皆  
新政紀畧

卷六

皇上所必欲起用者然有必用者常與衆共收之不  
可因一二人之言輕棄之以不當用者論某也不  
附權奸之黨而瑕疵並著某也偶發于權奸之日  
而職業原虧某也已呈身權奸之門而忽以小嫌  
見斥此皆

皇上所不欲概用者也然不可用者常曉然與衆共  
舍之不當茫然使人意揣之主議者須以大公之  
心秉鑑以憐才之念持衡節褒其大勿以微疵棄  
士過摘其顯勿以曖昧調人若慮其用數多一時

雜帶請于諸臣分為二案第一案先用之第二案  
繼用之蓋拔擢之姓名既定林藪共無淹抑之虞  
推選之次第可循仕路並無壅滯之患必如是而  
人情自平國是自定矣 奉

聖旨這奏議諸臣被遺削者不必概借權璫為題還  
宜酌量才品此亦虛平之論至起用分為二案尤  
為考功良法該部知道

。御史梁天奇為 聖明圖治方殷宇宙昇平已見  
堯行一得之愚以光新政事 一日恪遵 祖制

二曰勤勉 聖學 三曰愛養民生 四曰慎簡

邊將 五曰防範士習 六曰釐正民俗 奉

聖旨覽奏治平道在因人而要于人君之明斷說得

是季寓庸竊慎行着該部即與議處張鳳翔等俱  
核實用崔景榮准復官誥生撫按康訪將才有司  
選舉壯士議俱可採餘并着該部酌議

兵科給事中張鼎延為寶曆初開歲功伊始敬獻  
芻蕘一得之愚以裨魏蕩萬年之計事蓋 聖躬  
宜保而聖學宜審也



皇上退朝清心寡慾批答不倦可謂勵精好學然情  
欲難制鴻鵠易馳保無進銳退速則遠去內端日  
親圖史為要政事宜修而用人宜審也彼逐羶附  
臭大裂防維鷹鷂之逐當不少待即初終兩截心  
口互異方搖尾以乞憐旋改頭而換面狐鼠之羣  
亦須盡換至如用人之大莫如簡相而行政之大  
莫如卹民籍沒胥私或量給恡死之家或直信助  
餉之旨可也 奉

聖旨朕親裁万几緝熙志學這本說檢束身心懲前  
新政記畧

卷六

十二

。然後知道了用人宜審不得徇人姑息開借題之門說得是大奸既殛黨與宜清已着法司定罪至慎招獄誅戮一洗舊習有俾新政

。禮科給事中仇維禎為漏網之邪黨當糾誅奸之國法未盡愆乞 睿斷處分以明憲典事言今日

大憝雖已剪除處除虎彪已經擬罪尚有一二未盡

之党不減于虎彪者 其一已給假驗封郎中周良

材向因王家棟事私送魏崔數千兩得免隨身入

幕府賁官嚮爵肆行無忌吏部舊例一轉即請假

巡業周良材雲南永  
為人尚科吏部郎中

徐四岳遺書下注云  
公大理寺卿

迴避何以被 旨留郎署小臣豈真出內批之欽  
綸不過通內結謀與党倪文煥等據定河南道吏  
部耳 其一為工部郎中加陞太僕卿徐四岳統  
袴之子有何賢能即躡同鄉不過以田爾耕同縣  
姻戚黃緣忠賢一戚三遷都中傳言斷養列同鄉  
指四岳也 其一太僕少卿梁夢環雖已閑住豈  
足盡其事乃欲殺 國戚乃欲傾 中宮夫以楊  
漣之移宮止出之太速未便欲動搖彼時選侍未  
有封號尚且羅織成辟即後數忠賢二十四罪首  
新政紀畧 卷六

犯兇鋒身殞家破論者雖卹其死尤不能遺恨于  
當日之輕舉惠世揚以通王安擬罪尤屬風影懸  
坐今

皇仁浩蕩僅以事無的據止免一死夢環比之惠世  
揚尤為有據比之劉志選尤從寬政真大逆不道  
之賊臣當速下法司追論擬罪者也 奉

聖旨通內結奸人臣之人戒朕痛懲此輩不當三令  
五申這本說的是周良材徐四岳著該部分別來  
說梁夢環已有旨了本內中字遺失著改正行

明史見明史  
三百六十六卷

○兵部尚書聞鳴泰為奴報屢急事 奉

聖旨毛文龍遠駐海島牽制終屬虛着覽卿當日移  
駐蓋套之議情形瞭然今卿欲據南衛以通奴大  
意與此疏同還同督撫鎮道諸臣確議行

○吏部一本為考察事

聖旨這貪酷害民官都着革了職為民見在應朝的  
着錦衣衛拿送該司究問其餘的該巡按御史嚴  
行提問具奏違阻助邊不得容縱還立限與他

○兵部一本為東事結局無期事 奉

新政紀畧

卷六

高

聖旨覽奏頻年禦奴師老財匱結局無期每軫朕衷  
顧這說關門束江為首尾蓋套居其中據此形勢  
相接奇角相聯信是制用長策蓋套奴所必爭與  
奴相守須宿重兵以重將還先舉將在得人御前  
疏欲移毛文龍于蓋套着與內外諸臣商確行至  
主張在中樞說得是卿與督師與撫臣同心合謀  
何憂孽奴不滅移督撫于關門畢自肅撫益遠該  
部并議復

○兵部尚書聞鳴泰奏為毛帥已奉明旨事 奉

聖旨毛文龍住師東江原以備牽制之用然必真能制奴方見成功有如聲息不接糧餉虛糜則孤軍何濟于事覽卿前疏欲毛帥移蓋套亦是封疆起見卿既實一力担当必有定算但此舉安危所係甚大還與督撫鎮道諸臣從長計議行

十九日

。河南道楊維垣奏為詞臣持論事 奉

聖旨倪元璐持論稍偏已有不當之旨楊維垣復加

新政正知道了以後詞臣束筆禁地自有本業不必

新政紀畧

卷六

五

希建白之名該部知道

○南京戶科陳允言為仰體聖明德意俯竭蕝苑  
以佐新政事 一曰定聖志 二曰先泰交 三  
曰慎人才有奸惡擅權概以門戶二字錮人謂宜  
早復冠帶以補登極詔書所原暫停之一款  
四曰慎邊防 五曰息紛囂 六曰重名器蟒王  
下被于斯役冠裳濫及于儒販至恩貢附學盡以  
白丁承買名器弁髦松矣

聖旨達奏定君志先泰交此是治平要論廢藉諸臣



還着次第起補冠帶誥命准與先復降夷一節分  
插隔遠說得是近來買官名色委玷仕譜宜加澄  
汰該部與議復奏內少日字着改正行

○四川道御史楊中樞為 聖政維新乾坤開泰恭

陳三綱九目以裨新政事 一曰務實學以裨

聖政 二曰崇禮制以期功化 三曰理財用以

裕國體何謂務實學其目有三其一謂講春秋以識

大義其一謂覽綱目以洞興亡之炯鑒其一謂遵

祖制以承朝政之家法何謂崇禮制其目亦有三其

新政紀畧

卷六

其

一謂器使以盡所長其一謂久任以責成功其一  
謂平心以慎賞罰何謂理財其目亦有三其一謂  
冗費宜汰其一謂屯田鹽法宜清 奉

聖旨覽奏三綱九目皆有裨新政朕當確遵祖訓春  
秋綱目俟次第講解崇禮節財倍閭防治道屯田  
鹽法猶邊儲急需着加意清理申飭行

。江西道御史張養為元曆伊始 聖治維新謹劾  
蔣堯仰資本議事 一曰重政本 二曰核議論

三曰儲邊材 四曰定廟美 奉

聖旨朕獨斷兼聽總期事理之當雖御札間有處分  
閣臣不妨敬替說得是浮游附會之言朕所厭聞  
儲邊才定廟筭誠今日急着東江核定兵數以為  
响計俱酌確議具復

○都察院為仰遵 聖諭事 奉

聖旨覽卿條議具見救時遠歎邇來有司積谷半充  
囊索深可痛恨今後除該撫按濟邊正額外方可  
盡準時值收谷入倉以備荒年仍着撫按不時廉  
察違者重治破情而絕餽遺以嚴恣偽吏尤得循  
新收紀

名賁賈之法盜賊縱橫上下交相養亂俱着行撫  
按官勒限消弭朝覲官即速赴原任安輯地方不  
許枉道回家士氣竄凌今日已極副榜會試監生  
乞恩賁尤為近例所無着該部立案勿行其有聚  
黨把持衙門者督學及緝事員役嚴行究逐來朝  
官員經留用者着各陳兵農要務揭送戶兵二部  
精擇類進朕得採天下公議以究治安之策

二十一日

○河南道羅元賓為起廢考選并舉羣賢一時同升

意見少畸治亂攸關懇乞 聖明燭照獨斷并  
勅新舊諸臣破從來積惑以維萬世治安事近  
奉

聖諭因月食求言而惓惓于敬天恤民之要職切思  
之 國家百務所以不得其理者以無實心任事  
之人耳人之所以不實心任事者則門戶二字為  
之祟也心存荆棘口播玄黃始則勝氣浮情各分  
支派後乃吠聲逐影遂生葛藤一片精神為用之  
結構報復之場而本等職業無暇修舉人統其無  
新政紀畧 卷六 六

益之虛爭而國受其廢弛之實禍坐是故耳今  
者起廢考選次第舉行諸臣彙征邁集以協恭成  
師濟之風者此時以修黨釀傾擠之禍亦此時若  
不提醒仍恐紛競夫人之以門戶起見者豈以門  
戶為不可消者乎哉請述門戶所自來而破其惑  
心夫累朝以來無所謂門戶也自東林出而聚徒  
講學以淑世自托非不善也然壇坫立而標榜起  
標榜起而依附生不肖者且以道學之名為勢利  
之藪因而排異已因而侵朝政天下聞而非之于

是有攻東林者夫攻者攻其頗僻偕之大道可也  
乃于人則引繩批根于已則堅營固壘以彼為我  
敵而自處多瑕迨二十四罪之疏一出而觸怒權  
逆流毒冠紳昔之氣燄一旦摧折攻東林者快之  
然而其盟主則忠賢也其傳頭則呈秀也其護法  
則虎彪也其敗局則貪位慕祿之徒偕也要典之公  
議以洩其私憤執門戶之虛套以暢其毒心比之  
東林殆又甚焉能無敗乎究而論之門戶羣小所  
構煽而成者是依附之局非東林之局也攻門戶

戶權奸所侵敗而成者是魏崔之局非攻門戶之局也茲賴

皇上神聖奸邪殄滅世道于是一新然而所誅殛者逆端罪樞耳所屏逐者脂韋縮蓄之輩所懲創者不公不法之罪何與于門戶亦何與攻者事也而得無有欣欣然喜之者曰局可審矣于是呼朋引類伏機設械以圖報復者惑也又得無有竊竊然憂之者曰局可審矣于是防其捲土挽其逝波以彌縫其間者亦惑也職曰正直之王道也願大小



臣工以正直勵操行而牆壁可以不倚以正直修  
職業而恩怨可以不尋而用人者亦惟正直是求  
但論操行職業之賢否一切是門戶非門戶根株  
蔓引悉宜斬斷望

皇上主直道于上不惟革小人肆禍之階而并革君  
子道長之名不惟革階門戶以錮人之弊而并革  
借攻門戶以報國報之端使人皆舉攻訐之精神歸  
并于職業何患庶政不得其理哉我誠恐起用者  
因抑鬱之久而尚執成心新進者以方長之氣而  
新政紀畧

更生騎見雲霧不掃戈矛復起如陽侯之波一浪  
滅復一浪生浪與浪相逐而其舟危矣豈國家之  
利哉惟 聖明採擇焉 奉

聖旨朕與諸臣恭詣大道故起廢考選一時并舉惟  
期合新舊人才以圖治安其有修隙扳擠及齟齬  
復的察其心跡定行重處諸臣宜消融意見各脩  
職業勿得自苦頗僻以取罪責

○浙江道御史宋景雲題為御曆方新泰運伊始  
踴為憫恤以佐末議事 一日 聖躬當保 二日

言路常專 三曰鳴冤常禁 四曰司官常補

五曰譏察常嚴 六曰賞罰當信 七曰台規當復 八曰會額當重 奉

聖旨覽奏慎保朕躬責成相臣啟沃良是爾來荐舉  
旁雜以後議論還歸言官即被廢諸臣宜聽公論  
不得陳寃自誦擇銓司禁流言與公賞罰語俱有  
當台規着遵舊例行會式係登極首科照萬曆已  
未例以三百五十名為額

二十二日  
新政紀畧

卷六

主

○雲南道御史李遵為 主治日隆 聖聰日廓敬

潛憑昧仰佐清明事 一日君德貴乎慎思一

曰主術貴乎杜漸 一日核言路之體要

○吏部一本遵奉 明旨事 奉

聖旨吏治成否關係世道生民覽卿奏具見精核糾  
劾貪墨肅清吏治第一義着行省直撫按官申飭  
道府等官凡有司贓跡顯著不時聞報即行拿提  
如道府等官徇情庇護事發一并重處用人宜  
破方隅勿得以趨炎遺冷以乖政体說的是以後

凡經撫按彈劾及叅處官不許妄辨其奉差部司  
于地方甚有干涉該撫按官一体舉劾進表官照  
州縣開註所屬司府考語報部至南北直亦照  
各省例用兵道官前來勿徒卑官無數國家等官  
宜積俸升轉俱依議行

○山西巡按李 為度端伊始事 奉

聖旨這奏聖學宜遍覽古今通鑑一書有裨法戒朕  
方進備知道了召對以治泰交訪邊才以需急用  
新說得是通來京庚如掃借借沒餘銀以充餘本寬  
聖

權減業既有利兼以羨息給京軍是亦救時一法  
該部與酌議行

二十三日

○禮科都給事吳弘業為泰運弘開人才競奮懇乞  
聖明廣彙征以羅新進急環召以錄舊人為元年第  
一盛舉事

皇上金甌肇舉爰立六相正明良喜起之交倘薪煥  
不廣不虛此邁哉

先帝登極壬戌加至四百今宜加增五十名以昭一

時盛美至起廢一節今且奉有先擇其力忝逆奸  
及題差推升削奪的蚤如起用之明旨一時共  
事如許譽卿陳良訓周洪謨喻思恂劉惟忠楊棟  
朝等非力忝忠賢而一鳴輒斥者乎杜倒置之漸  
近來官方之壞莫甚于加銜一節部郎而加方面  
之銜郡守而加監司之銜豈可久乎一日擴虛懷  
以杜疑畏之漸今者昌言盈廷不乏說論且以票  
擬還內閣議論歸台省刑罰付司寇豈欲使之將  
順惟謹哉伏願一擴虛懷凡有建白未愜聖衷

新

政紀畧

卷六

三

不妨與輔臣從容議一日嚴邊功以杜決裂之  
漸夫執訊執馘歲額日虛而邊事日非此偉功非  
戰功也數時得奏之音少息亦

皇上明見萬里之外督師樞臣及起用袁崇煥當何  
如以圖報稱耶一日實邊儲以杜匱耗之漸東西  
交誼竭天下以奉遼黔而日苦不足屯種之利亦  
既舉行而奈何不竟其說乎毛帥自負奇男子不  
費國家財賦而可早收底定之功不可以此自勅  
乎奉



聖旨這科額數已有旨了應用房考俱照已未科行  
起廢一節不宜久稽所荐陳良訓等着該部酌議  
用其起煥弁與查復舉人式卷必經磨勘方許會  
式該提調官有怠玩的指名查叅奸逆生祠速與  
折燬禮部員缺着即會推以憑簡用

○吏部尚書房壯麗等為遵奉 明諭條行事宜以  
祈

聖裁事本月十二日蒙

皇上宣召六部都察院堂上官於文華殿面諭臣等  
新政紀畧

卷六

前因月食已有勅諭着各衙門條陳例弊近見科  
道官雖有章奏人各一說茫然不定部院大臣如  
何不見條議還着各開所見以憑裁酌臣等恭逢  
召對盛典覩聖顏之睟穆聆天語之諄切如  
身入唐虞之廷而親際都兪吁咈之美也安敢有  
懷不吐惟是臣衙門職在用人而吏治咸否世道  
理亂生民休戚係焉以一二事宜關切銓政者敬  
陳焉 一日貪吏之糾劾宜嚴 一日用人之方  
隅宜融節錢大臣卿貳不及于吳楚秦晉之人毋

惑乎不平則鳴也 一被劾之妄辨宜禁 一奉  
差部司宜有舉劾 一進表官所屬地方宜有考  
語南北直隸皆用兵道 一開曹之銓轉宜酌其  
期

二十四日

○登萊巡撫武之望為島帥欺罔盡露事 奉

聖旨往登萊撫東帥等事海上偶忤意見判相儀具  
疏內爭執張盤曾有功情節與錢糧首尾自明不

必致辨毛文龍擁布海外歲糜重餉著即奮力恢  
新政紀畧 卷六

遼以慰東顧除勿苛求移師蓋套還宜商酌行已  
有旨了

○吏部一本仰承 明旨事 奉

聖旨舊輔臣劉一璟韓爌馮銓佐政先朝忠猷夙著  
忤奸削逐朕為惻然着各復原官以致任一璟誥  
命准與補給以彰朕優禮輔弼之意

○原任御史方震孺孤臣即日等事 奉

聖旨方震孺脩經苦毒已蒙開釋其規勸諸臣持論  
亦平知道了在京在外監禁多人應否照數公審

方震孺入東林  
點將錄

法司確議來說

○兵部一本安插降夷事

聖旨覽奏降夷分置山海三屯亦是督師散處防患  
至意但移入內地奸細可虞人心易動關薊宣大  
並稱重地豈容不思熟防禦還是延孟甘固沿邊  
安插為妥仍照例沿邊賞給口糧以示撫恤

二十五日

○湖廣巡按溫皋謨為進繳誥命等事 奉

聖旨賀逢聖學行端醇削奪原非其辜既經起用這  
新政紀畧 卷六

湖廣巡按  
溫皋謨  
中丞  
人  
卷六

詰命自應免追年來楚才摧折過多朕深測念這  
所奏謝其舉等各詰命俱着該部院來說

。刑部一本仰遵 聖諭事 奉

聖旨覽卿奏在刑言刑數陳明切甚得朕刑期無刑  
至意至祝朕躬以悠久不息尤于新政有裨迺來  
官薄冷賤人懷殫心若徒視秋曹為閑散之司罔  
家安得慎獄之用合科刑部辦事進士着照成化  
年間例同各司問鞠俾陳舊章如各司有才品卓  
超者不妨從優升調其司官以刑名為賤尤宜講

送景傳繼江蘇歸川  
人英文科刑科給事  
加太僕寺少卿

明律例夙夜在公豈可到部未幾即營着差自便况  
有借差為名優游里門者俱聽堂官指名恭處錦  
衣非法非刑俱慘酷異常此非盛世所宜有着道  
高皇帝勅諭概從焚毀卿與各屬用心矜恤俾囹圄  
無冤平明有賴這所奏如議申飭行

原任刑科傳繼為龍飛利見事奉

聖旨這本說要典已成事無論定諸臣意見參錯不  
必永錮說得是朕方欲消融同異以臻蕩平傳繼

心跡自明着吏部即與銓補  
新政編畧卷六

進業

二月六日

。御史曹谷題為 聖明求治方殷臣工効忠宜力  
謹遵

聖諭陳用人理財之一端以裨集衆以光新政事

皇上求賢若渴首言起廢山林之士欣欣向用豈意

無人顧才與官相稱則才易展品不為才所掩則

品益真今之方隅果盡破于涇渭果盡辨于果其

可用則用之不必問其東西南北也如鄭以律錢

象坤誠清世之麟鳳唐世濟李凌雲周世朴郭尚

錢象坤 唐世濟  
蒼天監錄



賈竇先哲之著龜又如徐楊先朱欽相王心一皆  
名御史也若理才一節古來無出開節二字今財  
源已無可開惟節之一字可得而講籍今州縣有  
循吏藩郡有良牧軍國之需何憂不充乎再有過  
計門戶二字

皇上已厭棄不談再有拈出東林二字者是必欲畔  
中道而走歧路也萬藤不了波浪疊興使賢者復  
動顧卻之情不肖者旋動翻覆之局流毒豈淺小

。刑部一本奸弁媚權事 奉

聖旨覽奏劉鐸一案羅織衣冠駢首西市獻媚權惡  
立弊多官神人共憤罪豈勝誅張休乾斬谷應選  
絞允當着監候處決餘依擬

。刑部等衙門為遵 旨會議事 奉

聖旨覽奏逆惡魏忠賢掃除所沒憑藉寵靈牌沉宮  
閉荼毒良善非開國元勳妄分茅土過至尊而自  
命尚公盜帑弄兵陰謀不軌串同逆婦客氏傳遞  
聲息把持內外崔呈秀委身奸閹無君無親明懷

成福之柄大開縉紳之禍無將之誅國有常刑既  
會議明確着行原籍撫按魏忠賢于河間府截屍  
凌遲崔呈秀于薊州斬首其客氏身尸亦着查明  
斬首示衆仍將爰書刊布中外曉諭以為奸惡亂  
政之戒魏志德等俱依前旨發烟瘴地面永遠充  
軍誥命概行追奪其魏良棟魏朋翼崔堂崔禽既  
係孩稚無知准釋放以彰朝廷法外之仁

二十七日

○刑部一本遵 旨會議事 奉

新政紀事

卷六

二十九

聖旨奸逆盜權陰謀巨測凡厥黨與所宜嚴懲這五  
虎五彪既會議的確李夔龍吳淳夫倪文煥田吉  
行原籍撫按照數追贓解助邊餉完日發附近衛  
所充軍田爾耕許顯純都著原籍監候處決崔應  
元楊震孫雲鶴行原籍撫按發邊衛充軍各犯詰  
命通行追奪以為附權蠹政之戒

二十八日

○督師王之臣為遼左屯政久環事 奉

聖旨屯田實塞原是根本深計覽卿奏以遼民集遼

地無力者酌借屯本仍畢歲時地利以定壤甚得  
辟土安民之法然經理其事頒專官着擇有才操  
的方用該部速與查議復行

○原任刑部主事萬嗣達為權奸黨害事 奉

聖旨覽奏萬嗣達着該部查明具復并将曹欽程貪  
媚看議來說

○兵部主事李正中為敬列條陳事 奉

聖旨這所奏撫字備省黜降陟安攘四款亦有可採議  
論屬之言官章奏務宜簡要已有旨了還着申飭

行

。御史林棟隆為疆場不堪再壞事 奉

聖旨朕已撤回內鎮委任督師明以封疆之責俾其一力担荷近見督師條議布置頗有方畧獨降夷一節廷論紛然及報安插塞外朕以推誠不疑這奏內事情關係甚大着吏兵二部詳議來說

二十九日

。兵部一本為仰遵 聖諭事 奉

聖旨向來選將無法專闕非人以至行伍空虛士氣

積弱四郊多壘九代未彰深可痛恨這所條議皆  
改弦易轍安邊克敵之要今後武弁有贓穢迹最  
著者撫按提問追贓依律正罪不得概從功立贖  
罪例至狡猾之潛通徑竇鑽刺之央求情面正與  
貪惡相濟俱著從重究擬彈荐不得驟更以啟倖  
門開送一准季報以嚴查核東江兵數今登撫會  
同毛鎮彙冊報部武當香稅今撫按確查見積湊  
足黔餉這數款皆務循名責實其兼銜不許凌躐  
升轉咨留年限速化此近時積弊殊乖政体允宜

痛革令疆圉未靖安危係之將帥用命尤屬中樞  
總在力秉公虛一洗故套俱着實申飭行

。山西巡按李 為昌運一新等事 奉

聖旨朕敷新政以宣鬱別弊為第一義金世俊周如  
昌着該部即與昭雪冒濫名器如邵士垣等并查  
核米恩嚴加汰出至清武弁竊邊備着兵部看議  
具奏李實已經處分了